

樹

藝

篇

樹藝篇

木部第一

合歡

榆

楊柳

綿柳

白楊

黃楊

檉

槐

檀

檉楸

六駁

棘

椿樗

杞

合歡 卽今烏絨樹亦謂之夜合花

合歡樹似梧桐枝葉繁互相交結每風來輒自相解了不相牽綴樹之階庭使人不忿稽康種之舍前

古今注

夜合葉似皂莢槐等極細而繁密至暮而合花發紅白色瓣上若綠茸然至秋而實作莢子極細薄一絲合歡一名合昏崔豹古今注云欲蠲人之忿則贈以青棠卽合歡也八閩通志

圖經曰合歡夜合也生益州山谷今近京雍洛間皆有之人家多植於庭除間木似梧桐枝甚柔弱葉似皂莢槐等極細而繁密互相交結每一風來輒似相解了不相牽綴

其葉至暮而合古一名合昏五月花發紅白色瓣上着絲茸然至秋而實作莢子極薄細採皮及葉用不抱時月崔豹古今注曰欲蠲人之憂則贈以丹棘丹棘一名忘憂欲蠲人之怨則贈以青棠合歡也故稽康種之舍前是也衍義曰合歡花其色如今之醺暈綿上半白下半肉紅散垂如絲為花之異其綠葉至夜則合又謂之夜合花王孫一名王孫一名黃昏孫思邈有黃昏散注云黃昏木或曰合歡合昏夜合花陳無已云探囊一詠黃昏湯草部木部黃昏為二物郭璞曰守宮晝日聶余而夜舒布也江東有木與此相反俗因名合昏古今注云合歡似梧桐枝

葉互相結風來解使人不怨稽康種之於舍前續博物志
詩話心胃填錯是為沛灌取夜合皮掌大一枝水煮服之
后山詩探囊一試合昏湯詩李大全

韓魏公夜合花詩合昏枝老拂簷牙紅白開成顰暈花最
是清香合蠲怨累旬風送入窓紗安陽集

合歡曰合昏曰青裳曰夜合其木似梧桐枝弱葉繁互相
交結每一風來輒似相解了不相牽綴植之庭階使人不
怨其葉至暮而合故曰合昏今人皆謂之夜合花稽康云
合歡蠲怨萱草忘憂草木畧

榆

爾雅曰榆白杝注曰杝榆先生葉却著莢皮色白廣志曰有_一榆有朗榆案今世有刺榆木堪牢韌可以為犢車材挾榆可以為車轂其器物山榆人可以為蕪羹凡種榆者直種刺挾兩種利益為多其餘軟弱例非佳木也榆性翦地其陰下五穀不植隨其高下廣挾東西北三方所扇各與樹等種者宜與園地北畔秋耕令熟至春榆莢落時收取漫散犁細時勞之明年正月初附地芟殺以草覆上放火燒之一根上必十數條俱生止留一根強者餘悉掐去之一歲之中長八九尺矣不燒則長遲也後年正月二月

移栽之初生即移者喜曲故須叢林長之三年乃移種初
生三年不用抹葉尤忌物之捫心則科茹大長更須依法
燒之則依前茂矣不用剥沐剥者長而細又多癰痕不剥
雖短麓而無病諺曰不剥不沐須忌搖動先截去竹梢仍
縛架護之為妙五月十三日謂之竹迷日可用馬糞拌土
栽之不用作泥漿水栽之又忌腳踏用椎打則次年便出
笋山家多種笋又可食可賣竹又可賣養家神隱
茅竹疎節透幹山中人製几榻率用之 水竹小幹粉節
距葉而林立吟風作泉佩声

慈竹子母盤結叢生石上者可製管笛

苦竹山中漫有之叢卑味苦虫蠹弗侵

雲山志

天竹實幹數枝葉於頂雪中結紅實

當入草類

方竹山中處有之秋間生笋肉薄而味甚美

毛竹產洞旁每竹生數節旁出一幹之巨細與相等

武義志

南天竹虛中疎節叢生如竹稠密不凋春青夏碧秋丹冬

紫澗旁岩麓有之

九華志

茨竹大如指逾長二丈節生枝文采士人家用植于居

之周遭以代垣牆雖雞犬不能踰越陰森柔嫩綠潤如沃

可愛也

海槎

余見彼中竹有數十種與吳浙不同

衮竹節疎幹大體厚截之可作汲桶筍生七八月間味微苦土人誇之余以為不逮湖州棲賢猶竹：筍與杭之杜園遠甚彼中莫知其味不可與語

釣絲竹亦疎節幹視衮竹差小枝梢細而長葉繁可織為器筍亦可餐一名蒲竹人取栽為屋瓦并編屋壁最堅美

筍竹大如釣絲自根至梢皆密節：有刺長寸許山野間每數十家成一村共植此竹環之為屏幹則蛇鼠不能入足可為脩禦計聞樵賊亦皆恃此為金湯官軍亦無可柰何後見續竹譜云南人呼刺為刺竹音邕邕州舊以為城堽堽來侵不能入今鬱林州種此十年成穀言易麓也必欲剥

者宜留二寸於壟坑中種者以陳屋草布壟中散榆莢於
草上以土覆之燒亦如法陳草速朽肥良勝糞無陳草者
用糞之亦佳不糞雖生而瘦旣栽移者燒亦如法也又
種榆法其於地畔種者致摧損穀旣非叢林率多曲戾不
如割地一方種之具曰土薄地不宜五穀者唯宜榆及白
榆地須近市賣柴莢葉省功也挾榆刺榆凡榆三種色別
種之弗令和雜挾榆莢葉味若凡榆莢必甘者春時將
煮賣是以須別也耕地收莢一如前法先耕地作壟然後
散榆莢壟者看好料理又易五寸一莢稀穰得中散訖勞
之榆生共草俱長未須料理明年正月附地芟穀放火燒

之亦任生長勿使掌

反止

雨近又至年明正月斫去惡者其

一株上有七八根生者悉皆砍去唯留一根麤直好者三

年春可將莢葉賣之五年之後便堪作椽不挾者即可砍

賣

根十文

挾者鐵作獨梁及蓋

一箇三文

十年之後魁椽瓶榼器

皿無所不任一椀十文一魁二十瓶榼各直一百文也十

五年後中爲車轂及蒲菴篋一口值三百車轂一具值

絹三疋其歲科簡剥治之功指柴雇人十束雇一人無

業之人爭來就賣柴之利已自無貲歲出萬束每束三文

則三十貫莢葉在外也况諸器物其利十倍於柴十倍歲

收三十萬砍後復生不勞更耕所謂一勞永逸能種一頃

歲收千足唯須一人守護指揮處分既無牛犁種子人功之費不慮水旱風蟲之災比之穀田勞逸萬倍男女初生各與小樹二十株比至嫁娶悉任車較一樹三具值絹三疋成絹一百八十疋聘財資遣粗得克事術曰北方種榆九根宜蠶桑田穀好崔寔曰二月榆莢成及青收乾以為膏蓄皆美也蓄積也司部收青莢小蒸曝之至冬以釀酒滑香宜養老詩云我膏蓄亦以御冬也色變白將落可作醬醢隨節早宴勿失其適醬音牟醢音頭榆醬齊民要術

榆人家門前多種多陰又堅壽也

吳邑志

榆類有數種葉皆相似皮與理則異臘月取葉大而幹直

間嫩處剉乾磴為粉當歉歲農將以代食葉青嫩時收貯亦用以為羹茹嘉祐年過豐沛人缺食鄉民多食此

榆北方所產榆莢榆皮皆可食其材文理絕細都下人取以為帶今本地所有者謂之溪榆其性最剛莆人取為交椅興化府志

榆即樞也今稱樞榆又有砂榆其葉可磨物光澤

太倉州志

榆詩曰樞爾雅云樞莖春生莢古人採以為糜羹張文潛詩云修柯遏雲日老枿干雲霄

毘陵志

榆曰零榆曰白扮曰白榆其類有十數種榆即大也榆生莢如錢古人採其初生者作糜羹食之令人多睡故稽康

謂榆令人瞑也。今不復食者，唯用作醬取陳者良。其皮至粘滑，可膠瓦。石北人用膠磴，甯儉歲農人食之，以當糧。有一種刺有鉞刺，如枳，其葉如榆，淪而為蔬，則滑美勝於白榆。爾雅云：樞莖，唐風云：山有樞，即刺榆也。草木畧

榆有數種，惟細者者，勸宜為農器，謂之綿榆。松江府志

榆白粉，先敷葉後著莢。榆性扇地，所扇各與木等，故其陰下五穀不植。而古之人就以息焉。東門之粉是也。內則曰：莖苴粉，榆兔藿，滌以滑之。兔新生者，藿其乾也。莖苴粉，榆初生，其葉蓋象兔目，故謂之兔也。字說曰：榆瀟滑，故謂榆莖俞而有刺，所以為至粉俞而已。安可長也。以俞為合。

乃率乎分夫狼如玃俞如扮皆分之道

爾雅

爾雅曰榆白扮註扮榆先生葉却著莢皮白色疏榆之皮
色白名扮陳風云東門之扮是也

爾雅曰蘊

音莖

大結

註今之刺榆疎別二名也詩風云

山有樞陸機疏其針刺如柘其葉如榆澹為茹莢滑於白
榆之類有十種葉皆相似皮及木理異矣

詩山有樞隰有榆樞莖蓋榆之類今之刺也榆爾疏樞之
類有十種葉皆相似皮及木理有異耳而刺榆有針刺如
柘其葉如榆澹為蔬莢滑於白榆內則曰莖莖枹榆兔莢
修澹以滑之蓋榆之類皆滑免讀若問孫恂唐韻免新生

草則薨乃是久者已上四物新舊之名皆滑利之名也稽
康謂榆令人瞑齊民要術稱挾榆剝榆凡榆三種色別種
之勿令雜以為挾榆莢葉味苦凡榆莢味甘者春時將
賣煮是以須別也廣志曰有姑榆有郎榆郎榆無莢管子
曰五粟五沃之地其榆條直以長按陳藏器云江南剝有
榆無大榆蓋大榆北方有之秦漢故塞其地皆榆塞榆北
方之木也淮南子曰槐榆與楮柚合而為兄弟有苗與三
危通而為一家言槐榆北方楮柚南方也是以江南無榆
但有樞耳若晉風則山隰無有之然而有材不能用則不
如其亡也

獲音獲

爾雅曰獲落註可以為杯索素疏獲一名落某氏曰可作
杯圈皮訥統物不解索謂櫟也小雅大東云無侵獲薪鄭
箋云獲落木名陸機疏云今榔榆也其葉如榆其皮堅韌
剝之長數尺可為絙索又可為甌帶其材可為杯罍是也

楊柳提論

楊柳下田停水之處不得五穀者可以種柳八九月中水
盡燥濕得所時急耕則鋤耨之至明年四月又耕熟勿令
有塊即作塲壟一畝三壟一壟之中逆順各一到塲中寬
狹正似慈壟從五月初盡七月末每天雨時即觸雨折取

春生少枝長一尺以上者種之壟中二尺一根數日即生
少枝長疾三歲成掃比於餘木雖微脆亦足堪葦一畝二
千一百六十根三十畝六萬四千八百根直八錢合收
錢五十一萬八千四百文百樹得柴一載合柴六百四十
八束直錢一百文合錢六萬四千八百文都合收錢五
十八萬三千二百文歲種三十畝三年種九十畝歲賣三
十畝終歲無窮憑柳可以為楮車輞雜材及枕術曰正月
旦取楊柳枝著戶上百鬼不入家種箕柳法山澗河旁及
下田不得五穀之處水盡乾時耕熟數遍至春凍釋於山
陂河坎之旁刈取其柳三寸截之慢散即旁訖引水停之

至秋任為簾簾五條一錢一畝歲收萬錢山柳赤而脆河柳白而腴陶朱公術曰種柳千樹則足柴十年以後斃一樹得一載歲斃二百樹五年一周齊民要術

楊之類亦多白楊曰高飛曰獨搖人多種於墟墓故曰白楊多悲風蕭々愁殺人水楊曰楊柳詩云楊柳依依々又云蒲柳爾雅云楊蒲柳其條可為箭簞故左傳云董澤之蒲崔豹云水楊蒲楊任天用或言荏苒亦水楊也移楊曰扶移其木大數十圍無風葉動華反復合所謂唐棣之華偏其反而崔豹云移楊圓葉弱帶微風大搖故又一名高飛一名獨搖與白楊之名相近故郭璞曰移似白楊

草木畧

柳之類亦多柳曰天棘南人呼為楊柳楊與柳實兩種說

文前蒲柳也柳小楊也斬其枝橫倒曲直揮皆生

洵按揮之皆生

凡揚柳皆然其花謂之絮隨風如飛雪落地如鋪氈故騷

不獨柳也

人之所取興也杞柳亦曰澤柳可為栲栳者爾雅曰旄澤

柳草木畧

楊柳多種易生大葉楊細葉柳夏取其蔭然多生蟻不可

近又無垂絲者可難供爨

吳邑志

說文曰柳小楊也浸木卯聲種柳以正月二月中取弱枝

大如臂長一尺半燒下頭二三寸埋之令沒常足水以澆

之必數條俱生留一根茂者餘悉掐去別樹一柱以為依

主若不能自立以繩攔之一年中即高一丈餘其旁生

枝葉即掐去令直聳上高下任人取足便掐去心則四散

下垂婀娜可愛六七月中取春生少枝種則長倍疾若不

插心則枝不四散或邪或曲生亦不佳也

出王氏農書

凡扦插楊柳先於其扦插下鑿一竅用沙木削釘一竅中而後

栽則永不生毛虫或云竅內用杉木楔埋之更用硫黃可

免蛀增碎錄

順揷為柳倒揷為楊

種柳無刺毛虫先於根下種大蒜一枚即不生虫又云微

刮去根下皮以草其末擦之亦佳

種水楊先用木椿釘穴方八揚木庶不損皮易長

凡扦插皆當如此

臘月二十四日種楊不生剗子

種柳取青嫩枝如臂長六七尺燒下三二寸埋二尺以上
已上俱潰碎錄

凡扦插楊柳高則五六尺矮則沒頭但勿令人搖動無不活
者正月取弱柳枝大如臂長一尺半燒下頭三二寸埋之
用杵打實常以水流之必數條俱生留三四條茂者削去
枝梢其枝必茂或栽插者長五六尺亦得人家若種千樹
足可以供柴箕柳去河邊及下地不堪五穀之處耕地數
遍刈取四五寸漫撒栽之常引水浸至秋間收取可為簞

箕升斗用度二月亦可栽插

農桑撮要
箕柳即杞柳

柳以垂者為貴吳

下士太夫家有得鳳州種者其半拂地復堆如太湖綺川
兩旁亦有之白樂天蘇州柳云金谷園中黃嬋娜曲江亭
畔碧婆娑老來處：游行適不似蘇州柳最多絮撲白頭
條拂面使君無計奈春何

吳郡志

杞柳出城西楓橋及橫塘者佳其條柔為栲栳細者為箱
篋

姑蘇志

種綿柳下田停水不得五穀之處及山澗河旁至春凍釋
於山陂河坎之旁刈取箕柳三寸截之漫散即勞：訖引
水停之至秋收刈任為箕箱之類

山柳赤而脆
河柳白而明

憑柳可為

輜車輞雜材及椀陶朱公曰種柳千樹則足柴又堪屋材
十年以後斃一封得一載每歲斃二百樹五年一周其材
用柴薪不可勝用 王氏農書

白楊葉圓青楊葉長柳葉亦長細移楊圓葉弱蒂微風大
搖一名高飛一名獨搖蒲柳生水邊葉似青楊一曰蒲楊
移楊亦曰移柳亦曰蒲移水楊蒲楊也枝勁細任矢用又
有赤楊降霜則葉赤材理亦赤也 古今注

晉地里志山多赤柳故名丹楊又一種枝弱下垂者名垂
柳 鎮江府志江東人通名楊柳揚葉短柳葉長 續博物志

爾雅曰楊蒲柳所謂董澤之蒲是也今有黃白青赤四種

橫

白楊葉圓青楊葉長赤楊霜降則葉赤材理亦赤黃楊木
性堅緻難長俗云歲長一寸閏年倒長一寸世重黃楊以
其無火或曰以水試之沉則無火取此木必於陰晦夜無
一星則伐之為枕不裂楊之孚甲早於衆木性堅勁雖為
棟不撓齊民要術曰白楊性勁直堪為屋材榆性懦軟又
無不曲比之白楊不如遠矣 悍雅

柳柔脆易生之木與楊同類雖縱顛倒植之皆生然使十
人植之一人搖之則無生柳矣立賢之道何以異此又况
植之：人寡而搖之：人衆乎大戴禮曰正月柳梯：者
謂發芽也本草曰柳華一名絮枹朴子曰柳柞速朽燎以

為炭則億載不敗此言養生之經有益如此中朝故事云
天街兩畔槐木俗號為槐衙曲江池畔多柳亦號柳衙意
謂其成行例如排衙也今言宮腰細瘦謂之柳腰同上
水楊葉圓闊而赤枝條短硬多生水岸柳葉狹長而青枝
柯長軟又有一種皮如槐檀葉如檉而狹長亦生水側名

檉柳八閩通志

柳花與柳絮迥然不同生於葉間成穗作鵝黃色者花也
迨其花既就褪結實三熟亂飛如綿絮也古今吟咏往往
以絮為花以花為絮畧無分別可發一笑杜工部詩有崔
嵬江頭楊黃柳花又有生憎柳絮白於綿之句則花與絮

不同顯然可見又曰糝徑楊花舒白穗得非一時鹵莽而然耶意衆

柳有垂絲柳有楊柳有鉅柳通名之柳雖縱橫顛倒植之但近水即生

建昌府志

楊柳所在有之以垂絲者為貴別一種曰白楊楊葉粗質細宜雕刻一種曰水楊類白楊而不畏水陂塘間多植之

松江府志

楊柳二種楊對葉短柳對葉長花即初發時黃葉子為飛絮今絮中有小青子着水泥灘上即生青芽乃柳之苗也

東坡謂絮為浮萍誤矣

西溪叢詒

予嘗於水缸中見飛絮墮水成青芽一二日皆為浮萍
缸中原無萍種即知東坡之說不妄允三

爾雅曰旄澤柳註生澤中者疏柳生澤中者別名旄楊蒲
柳註可以為箭左傳所謂董澤之蒲疏楊一名蒲柳生澤
中可為箭筈

毛詩楊之水不束蒲傳蒲草也箋云蒲柳陸機疏蒲柳
有兩種皮色青者曰小楊其一種皮紅者曰大楊其葉皆
長廣似柳葉可皆以為箭幹故春秋傳曰董澤之蒲可勝
既乎今以為箕籬之楊也

爾雅曰援拒柳註未詳或曰柳當為柳拒柳似柳皮可煮

作飲疏椶一名拒柳郭云未詳或曰云：以時驗而知也

白楊

白楊一名高飛一名獨搖性甚堅勁直堪為屋材折則折

矣終不曲撓

奴孝切

榆性軟又無不曲比之白楊不如遠矣

且木天性多曲條直者少長又遲緩積年方得凡屋材松栢為上白楊次之榆下也種白楊法秋耕令熟至正二月中以犁作壟一壟之中以犁逆順各一到塲中寬狹正似作蔥壟作訖又以鋤掘底一坑作小壟斫取白楊枝大如指長三尺者屈著壟中以土壓上令兩頭出土向上直豎

二尺一株明年正月中剝去惡枝一畝三壟一壟七百二十株一株兩根一畝四千三百二十株三年中為蠶槌初春五年任為屋椽十年堪為棟梁以蠶槌為率一根五錢一畝歲收二萬一千六百文柴及棟梁椽柱在歲種三十畝三年九十畝一年賣三十畝得錢六十四萬八千文周而復始永世無窮比之農夫勞逸萬倍去山遠者實宜多種千根以上所求必備

齊民要術

唐龍朔中司稼少卿梁修仁新作大明宮植白楊於庭示契必何曰此木易成不數年可庇何力不吝但誦白楊多悲風蕭蕭愁殺人之句修仁驚悟更植以桐予初不識白

楊及耒河南巡行郡邑常出北邙徑平疇入山谷見丘塚
間多大樹間從者曰白楊也乃悟古人哀挽用此不為無
謂蘇人丘隴多植松柏故人多不識白楊譬種易成其葉
尖圓如杏葉枝頗勁微風來時葉皆動其聲蕭瑟殊悲
慘陝號南山谷尤多高可二三百尺圍可丈餘修直端美
用為寺觀材久則踈裂如不松栢材勁實也

縣寄墳探

楊有黃白青赤四種白楊葉圓堪為屋材青楊葉長赤楊

霜降則葉赤材理亦赤黃楊性堅緻難長可供青玩

九江府志

柳有垂柳柰柳等名柔脆易生葉甚茂望秋先零

同上

金絲柳鳳縣出宋元豐間有旨下鳳州取金絲柳一百根

一統志

圖經曰白楊舊不載所出州土今處有之北土尤多人種於墟墓間株大葉圓如梨皮白木似楊故名白楊採其皮無時此下有水楊條經云葉圓闊而赤枝條短梗多生水岸傍其形如楊柳相似以生水岸故名水楊爾雅所謂旄澤柳其云生水傍形如柳即今蒲柳是也楊柳之類亦多崔豹古今注曰白楊葉圓青柳葉長柳葉仄長細移時題切揚圓葉弱葉微風則大搖一名高飛一名獨搖蒲柳生水邊葉似青楊亦曰蒲楊亦曰移柳亦曰蒲移烏水楊即蒲楊也枝勁韌膏亦作矢用又有赤楊霜降葉赤材理亦赤也然今人鮮能分別之餘並見柳華條

衍義曰白楊陝西甚多耀水間居人脩蓋多此木也然易
生根斫木時辟札入土即下根故易種植非止壇墓間於
人家舍前後及夾道往往植之土地所宜爾風過至葉如
大雨聲葉便故如是又謂無風自動則無此事嘗官永耀
間熟見之但風微時當風廷者其葉孤絕處則往往獨搖
以其葉細長葉重大風微能過故往來卒無已時勢便然
也其葉面青背白木身微白故曰白楊非如杉之白本俱

草

唐棣移郭璞曰似白楊江東呼為夫移逸詩曰唐棣之華
偏其反而豈不爾思室是遠而移生江南山谷其大十數

園無風葉動華反而後合所謂徧其反而者也崔豹古今
注曰移楊葉圓弱蒂微風大搖一名高飛一名獨搖又曰
移楊一曰移柳亦曰蒲移而齊民要術以高飛獨搖為白
楊之別名又本草白楊注云取葉圓大蒂小無風自動者
故說者云葉無風自動此是移楊非白楊也蓋白楊多悲
風又與此類相故相雜耳移皮焚為灰置酒中令味正經
時不敗而枳椇木以為屋中酒敗味薄物之相反有如
此者

不雅翼

唐棣一名移其華反而後合詩曰唐棣之華徧其反而凡
木之華皆先合而後開惟此華先開而後合又曰何彼穠

矣唐棣之華爾雅曰唐棣移郭璞云似白楊江東呼夫移
陸機疏云唐棣與李也一名雀梅亦名車下李其華或赤
或白六中熟大如李子可食華品序云洛陽亦有芍藥緋
桃碧桃千葉李紅郁李之類皆不減他出者而洛陽人不
甚惜謂之菓子華曰某花至牡丹則名直曰華其意謂天
下真華獨牡丹其名之著不假曰牡丹而自可知也其愛
重之如此爾雅

據此則唐棣常棣初無分別當以爾雅翼為正

扶移木皮味苦平有小毒去風血脚氣疼痺癢損疥瘡痛不
可忍取白皮炙酒浸服之和五木皮煮作湯捋脚氣疼

腫殺瘰癧風癢燒作灰置酒中令味正經時不敗生江南
山谷樹大十數圍無風葉動華反而後合詩云棠棣之華
偏其反而鄭注云棠棣移也亦名移楊崔豹云移楊圓葉
弱蒂微風大搖

爾雅曰唐棣移註曰今白移也似白楊江東呼夫移曰唐
棣一名移詩召南云唐棣之華陸機曰與李也一曰崔梅
亦曰車下李所在山皆有其花或白或赤六月中熟大如
李子可食

士洵郭註於此云今白移也似白楊江東呼夫移明無
果可食也至常棣註云今關西有棣樹子如櫻桃可食

二木自不相亂所以混淆不明者皆邢疏泛引之故

扶移即白楊也本草有白楊又有扶移扶移一條本出陳藏器本草蓋藏器不知扶移便是白楊乃重出之扶移亦謂之蒲移詩疏曰白楊蒲移是也至今越中人謂白楊只謂之蒲移藏器又引詩云棠棣之華偏其反又引鄭註云棠棣移也亦名移楊此又誤也論語乃引逸詩云棠棣之華偏其反而此者自是白移小木比郁李稍大山非蒲移也蒲移乃喬木耳木只有棠棣有唐棣無棠尔雅云棠棣棣也唐棣移也棠棣即小雅所謂棠棣之華鄂不韡韡者唐棣即論語所棠棣之華偏其反而者棠棣今人謂之郁

李幽詩曰六月食欝及真注云欝隸屬即曰移也以其似
隸故曰隸屬人謂之車下李又謂唐隸真即郁李也郁真
同暗注謂之真與蓋其寔似嬰：即含桃也晉公閣名曰
華陰園中有車下李三百一十四株真李一株車下李即
欝也唐隸也白移也真李即郁李也真也常隸也與扶移
本無交涉本草續添一名車下李此亦誤也晉公閣銘引
華林所種車下李與郁李自是三物常隸字或亦誤耳今
小水中却有隸棠葉似隸黃花綠莖而無寔人家亭檻中
多種之 續夢溪筆談

按爾雅郭注唐隸云今白移似白楊今以扶移即白楊

恐非郭意

白楸

爾雅曰楸音施楸音註白楸也樹似白楊疏楸一名施其材能濕礼記檀弓云施楸鄭注云所謂捍棺也

黃楊

俗說黃楊歲長三寸遇閏退去一寸故坡有園中草木應無數只有黃楊厄閏年之句非雪錄

黃楊瑞珊可愛俗謂之錦墩黃楊今人有云車東海種黃

揚言其難長也黃楊樹老可為梳及印章秋間亦可分種

黃楊木性難長世重黃楊以無火或日以水試之沉則無

火取此木必以陰晦夜無一星則伐之為枕不裂酉陽雜俎

黃楊葉細冬不凋肌理極堅而賦色黃木年久長大者可

旋器皿及為梳宋蒲陽志云每歲僅三寸遇閏則退一寸

東坡詩云：是也邵武府志

黃楊葉青遇霜雪不改色三年僅長寸餘然甚堅實建昌府志

檉

檉河柳郭璞以為河旁赤莖小楊也其皮正赤絳如而葉

細如絲婀娜可愛天之將雨檉先起氣以應之故一名雨
師而字从聖字說曰知雨而應與於天道木性雖仁聖矣
猶未離夫木也小木既聖矣仁不足以名之音顛則赤之
貞也神降而為貞云檉非獨能知雨亦能負霜雪大寒不
凋有異余柳蓋莊子以松柏獨受命於地冬夏青：此舜
之受命於天檉之從聖亦以此欣詩皇矣云作之屏之其
畱其翳修之平之其灌其柵啓之辟之其檉其楮攘之剔
之其縻其柘蓋文王之養材於山林日就繁茂故其始而
屏之除也始於已死之畱翳而及於厖雜之灌柵又及於
檉楮之小材而不得已而及於縻柘之良木以明草木逾

茂則始之所愛者不能並育以漸去焉故其卒至於柞栝
斯枝松栢充也然則櫟亦良木矣漢書鄯善國多櫟栢段
成式云赤白櫟出涼州大者為炭復入灰汁可以煮銅南
都賦注櫟似栢而有香今櫟中有脂號櫟乳爾雅翼

櫟葉細而枝柔夏着花粉紅如栗一名西河柳八閩通志
圖經曰柳華葉實生琅玕川澤今處有之俗所楊柳是
也本經以絮為花陳藏器云花即初發黃蘗也子乃非絮
也採無時其枝皮及根赤入藥葛洪治癰疽腫毒妬乳等
多用之韋宙獨行方主丁瘡及反花瘡並煎柳枝葉作膏
塗之今人作浴湯膏藥齒牙藥亦用其枝為最要之藥按

楊柳異類今人謂柳為楊柳非也說文楊蒲柳也柳小楊也其類非一蒲柳其枝勁韌可為箭筈左傳所謂董澤之蒲又謂之翟符即上條水楊是也今河沙地多生此又生水傍葉震而白木理微赤曰杞柳鄭詩云無伐我樹杞陸機曰杞柳也其木人以為車轂共山湛水傍魯國汾水傍純生杞也又孟子云告子曰以人性為仁義猶以杞柳為桮棬也今人取其細條火逼令柔韌屈作箱篋河朔尤多又下有赤柳木生河西沙地皮赤葉細即是今所謂檉柳者又名春柳爾雅曰檉河柳郭璞云今河旁赤莖小楊陸機疏詩云皮正赤如絳一名雨師枝葉似松是也其木中

脂一名檉乳醫方稀用故附於此

赤檉木無毒主剥驢馬血入肉毒取以火炙用熨水亦可
煮汁浸之其水中脂一名檉乳入合質汗用之生河西沙
地皮赤色葉細今附臣禹錫等謹按爾雅疏云檉一名河
柳郭云今河傍赤莖小楊陸機云生水傍皮正赤如絳一
名雨師枝葉似松

衍義曰赤檉木人謂三春柳以其一年三秀也花肉紅色
城細穗河西者戎人取滑枝為鞭京師亦甚多

赤白檉出涼州大者為炭復入灰汁可以煮銅為銀

爾雅粗

檉爾雅河柳也俗呼天杉其樹似松皮赤葉細性溫其材

可以捲胚鋸板舖樓無履聲遇火燒透不延吳化府志西

河柳宋志云一名菩薩柳葉如青蘿花繁碎如蓼花同上

柳曰河柳曰雨師曰春柳木中脂曰柳乳本草謂之赤柳木以其材赤故也大槩杉松之類而意態似柳故謂之柳柳爾雅曰柳河柳其材可卷為盤合又曰獲落郭云可以為括器素此赤柳也又有一種名赤楊又名水松與此相似而植之水邊其葉經秋盡紅人多植於門巷杜詩顏柳疏夜掃即此也草木畧

爾雅柳河柳也註今河旁赤莖小楊疏柳一名河柳陸機疏云生水旁皮正赤如絳一名雨師枝葉如松

槐

爾雅曰守宮槐葉畫日聶宵炕注曰槐葉畫日聶合而夜炕布

者名守宮孫炎曰炕張也槐子熟時多收擘取數曝勿令

蟲生五月夏至前十餘日以水浸之如浸麻子法也六七

日當芽生好兩種麻時和麻子撒之當年之中即與麻齊

麻熟刈去獨留槐：既細長不能自立根別樹木以繩攔

之冬天多風雨繩攔宜茅裹不則傷皮成痕癥也明年斫

地令熟還於槐下種麻脅槐令長三年正月移而植之亭

亭條直千百若一所謂蓬生麻中不扶自直若隨宜取栽

匪直長蓬樹亦曲惡宜於園中割地種之若園好未移之

間妨廢耕墾也 齊民要術

丁趨服槐實謂能明目益氣黑鬚髮也 建昌府志

槐幹似榆葉細而長花可染黃郡中有槐樹巷即此種也

又有盤結者名盤槐多種官署中 姑蘇志

槐子熟時收擘子取數曝乾勿令虫生夏至前十餘日水浸七八日牙生蠅浸麻子法勿傷其皮如好兩種麻時和麻子撒之當年與麻齊肩木繩攔之明年斫地令熟還於此種麻助令連長二年正月移種之亭一條直千百如一

項碎錄

二月取槐子畦中和糝黍種之至冬放火燒明年便取苗

喫每取苗依取枸杞法入土深割上糞澆灌遍如此至
殊末常得嫩槐芽食又且無虫若根大即斫去并以快鋤
鋤深割匾便上糞於春初雨過種也 居家必用

人家槐樹上生青虫食葉殆盡於樹下大擂鼓則其虫盡
自落於地 石田雜記

槐者虛星之精其葉由可玩古者朝位討之私家之朝皆
植焉釋木曰櫟槐大葉而黑守宮槐晝聶宵炕郭璞以為
晝日聶合而夜炕布者名為守宮槐按說文聶木葉搖白
从木聶聲則聶乃開之義又炕乾也木葉近火而乾則當
相合然則郭氏之說正反之耳今江東有槐晝夜開合者

謂之合昏槐蓋啓閉以時有守之義說者以為此槐與雅
說相合不知郭氏誤解之也槐花可以染黃其子上房可
以染皂其根可作神燭淮南子曰老槐生火炙血為鱗火
不恠莊子曰水中有火乃焚大槐老槐當夏間其上忽自
起火焚燒枝葉所謂極陰生陽者也古者冬取槐檀之火
槐檀黑色北方之行也

淮南子

槐之生入季春五日而鬼目十日而鼠耳更旬而始規二
旬而葉成管子之粟五沃之土其槐其楊

爾雅翼

春殊說曰槐者虛星之精槐性暢茂上棘爾雅所謂如槐
曰茂又曰槐棘醜喬桑柳醜條也周官外朝之法左九棘

孤卿大夫位焉右九棘公侯伯子位焉面三槐三公位焉
蓋槐取黃中外懷又其花黃其成實玄故也棘取赤中外
刺又其蒼白成其實赤故也蓋聖人取義簡博植一物而
衆善奉故曰禮樂法而不說舊云弱槐初生不能自立即
於槐下種麻脅槐令長既植移而之之事：若一天玄主
物薄曰槐木生丹不能凋殘也木身滑潤常有香氣如焚
松風由是現之內丹之益豈虛言哉埤雅

圖經曰槐實生河南平澤今處：有之其木有極高大者
謹按爾雅槐有數種葉大而黑者名棟槐晝合夜開者名
守宮槐葉細而青綠者但謂之槐其功用不言有別四月

五月開花六月七月結實七月七日採嫩實搗取汁作煎

卜月採老實入藥皮採黑

無時

槐花今染家亦用收時折其未開花煮一沸出之釜中有
所澄下稠黃滓漆漉為餅染香更鮮明治腸風熱瀉甚佳
不可過劑日

衍義

雲陽縣界多漢離宮故地有似槐而葉細土人謂之玉樹

楊子雲甘泉賦云玉樹青葱左思以雄為假稱珍異蓋不

詳也

劉賓客
嘉話

貞元中度支欲斫取兩京道中槐樹造車更裁小樹先符
牒謂南縣尉張造批其牒曰恭惟此樹其來久遠東西

列植南北成行輝映秦中光臨關外不惟用資行者抑亦
曾蔭學徒技本塞源雖有一時利根深蒂固須存百代之
規冲神堯入閔先駐此對玄宗幸岳見立豐碑其召伯所
憩尚自保全先王舊游宮宜翦伐遂罷按此則唐都關中
其孔道皆列植槐對於此見之國史補

槐博物志云槐初生曰兔目或以汁澆麵作湯餅少陵所
謂碧鮮俱照筋是也 昆陵志

槐其陰甚密庭院多植之花可染實可藥 建昌府志

槐有二種爾雅曰櫟槐大葉而黑謂大葉而黑者櫟也又
云守宮槐葉畫蟲宵炕謂畫蟲合而夜炕布者守宮槐也

又云槐小葉曰榎大而散楸小而散榎然楸梓類也檀栢類也不可謂之槐

草木畧

槐花黃可染實可入藥材巷多植之一種天然膠屈枝葉皆倒垂蒙密如幄名盤槐俗尤貴之

松江府志

丁翹服槐實法每歲八九月或十月上巳日取槐夾就地覆以新盆泥固其外百日皮爛以淨水淘去收其果暴乾每月旦以井花水空心服一粒隨日增之至望後日減一粒周而復始久服明目益氣黑鬚髮

同上

盤槐乃天生者非人力所為須以槐封接之

允三

大隈山即莊子所謂具茨山也有具茨寺其中產一種木

身幹枝葉皆如槐三二月開花色紅而細俗呼為槐三香
亦有種園圃者曲洧田間

爾雅曰櫟槐大葉而黑註槐對葉大色黑者名為櫟疏櫟
槐一也大葉而黑名櫟不爾者即名槐又曰守宮槐葉晝
聶宵炕註槐葉晝日聶合而夜炕布者名為守宮槐疏此
亦槐也聶合也炕張也言其葉晝合夜開者別名守宮槐
也

檀

檀葉似槐八閩通志

檀性堅實有黃白二種又有至夏始生葉者俗呼傲春檀

九江府志

石倉嶺之旁有檀木一株其大合抱高十餘丈年豐則發葉早年凶則發葉遲農人以占候多驗

武義志

檀秦皮注蘇去檀似秦皮按檀樹取其皮和榆皮食之可斷穀爾雅云檀苦茶其葉堪為飲對體細堪作斧柯至夏有不生忽然葉間當有大水農人候之以則水早號為水檀又有一種葉如檀高五六尺生高原花四月開色正紫亦名檀根如葛極主瘡疥殺虫有小毒也爾雅無檀苦茶唯言檀苦郭注對小似梔子冬生葉可煮作羹今早採者為茶晚採者為茗一名菽蜀人呼茗之苦茶前面已有茗

苦茶又引爾雅疑此誤矣

檀按本草引爾雅云檀苦茶其葉堪為飲其樹休細堪作
斧柯今考爾雅只言櫟苦茶無言檀苦茶者蓋是櫟苦作
檀耳以註疏考之即今所謂茶也然則檀當別是一樹蓋
檀木堅宜為車其色黑故魏風伐檀為車月令冬日改火
用檀其義可見 興化府志

敵居過西數里有一僧舍名無盡菴、有一樹若榆樸之
類者不知其名一春如枯夏月方萌每年直待黃梅雨過
方始舒葉既開則水定極準一境農人專憑以此卜水
候不曾有悟後有山丁過此俾其別之此人一見即云謂

之生水檀其名正取此義也此樹年深枯朽他處再不復

見

田家五行

檀色黃而性堅或云黃檀

毘陵志

檀土人呼為黃檀質堅难朽

雁山志

檀性堅实有黃白二種

建昌府志

檀最堅有黃白二種別種農時以其放葉及冬青開花為
雨候雨不至則葉不放俗謂等水檀

松江府志

毛傳云檀堅韌之木疏正義曰檀材可以為車故云彊韌
之木陸機疏曰檀木皮正青滑澤與檠迷相似又似駁馬
駁馬梓榆故里詩云研檀不諦得檠迷尚可得駁馬檠迷

一名挈榼故齊人諺曰上山斫檀挈榼先彈

榼榼

爾雅曰魄榼榼註魄大木細葉似檀今河東多有之齊人諺曰上山斫檀榼榼先彈魄音一名榼榼彈盡也

六駸

六駸木名其皮青白駸犇遠而望之似六駸之獸因以為名其木則梓榆也秦風曰山有苞櫟隰有六駸又曰山有苞櫟隰有樹櫟毛氏直以為獸之六駸則與苞櫟櫟櫟不

相類故陸機不從也六駮倨牙之獸能食虎豹者其狀如
馬亦名駮馬此木既以六駮為號故亦兼駮馬之名又曰
馬梓今之檀木皮正青而澤與莢遂及此木相似故里語
曰斫檀不諦得莢遂莢遂尚可得駮馬鳥獸草木之類特
為難窮其形之相似者雖山澤之人朝夕從事有不能別
其名之相亂者雖博物君子習於風雅有不能周故野人
伐檀而得駮先儒訓駮而為獸其去本遠矣崔豹古今注
曰山中有木葉似豫章皮多癰駮者名曰六駮蘇子曰其
皮青白如駮言六未詳

爾雅翼

梓榆南人謂之朴齊魯間人謂之駮馬即梓榆也南人謂

之朴、亦言駮也。但聲之訛。詩隰有六駮是也。陸機毛詩
疏。檀木皮似繫迷。又似駮馬。又云。所檀不諦得繫迷。尚可
得駮馬。蓋三木相似也。今梓榆皮甚似檀。以其班駮似馬
之駮者。今解詩用爾雅之說。以為獸。倨牙食虎豹。恐非也。
獸動物豈常止於隰者。又與苞櫟苞棗封極非類。直是當
時梓榆耳。述存中續筆談

六駮山中有木葉似豫章皮多癰駮。古今注

爾雅注引諺云。採檀不諦得美迷。美迷尚可得駮馬。言三
樹相似也。駮馬。今北方言報馬。生輝縣山中。見救荒本草。
丹鉛總錄

毛詩秦風晨風篇隰有六駮傳駮如馬倨牙食虎豹疏陸
機疏云駮馬梓榆也其樹皮青白駮犖遙視如駮馬故謂
之駮馬下章云山有苞棣隰有封樾皆山隰之木相配不
宜云獸此言非無禮也

詩經注疏
沈存中陸農師羅鄂州俱有此說

棘

棘性堅強費風之長養者其心之生更难於幹故詩曰凱風自南吹彼棘心以言七子不令費母之長養如此四時纂要云四月束葉生凱風之時也魏風園有棘：酸枣也於果為下以言昭公之節弥苦傳曰豫章以木稍郡酸枣以棘名邦舊云鵲巢中必有棘蓋棘性暖今人養華之法初春以棘數枝置華叢上可以辟霜護其華芽也

埤雅

棘心赤而外有刺故朝位植之左九棘孤卿大夫位為群士在其後右九棘公侯伯子男位為群吏在其後面三槐三公位為州長衆庶在其後蓋槐取懷來棘欲其赤心而

留意於三刺也又釋木云槐棘醜喬蓋言枝皆翹竦有奉上之義亦籍其繁茂以為蔽外屏之義也棘有赤白二種其刺亦有直者鈎者補益用直療腫用鈎古人所謂造沐猴於棘刺言其難也春秋繁露曰軍之所處生以棘楚蓋棘者刺人之物楚者撻人之物皆能傷人故緣類而生亦戟棘也越棘大弓取象於棘又棘可以為矢昔日楚之先祖挑弧棘矢以共禦王事蓋兵之將出挑弧棘矢以除其災挑能去厲棘植於花外則花不被霜所謂除災豈此之謂耶詩曰凱風自南吹彼棘心又曰吹彼棘薪凱南風也八風以生殺萬物凱風既云自南乃當景風白虎通曰景

風至棘造實蓋吹彼棘心者將以趣其造實萬物之難生
者棘而造實又欲其應候南風者雖能生物亦已勞矣八
風謂之景衛詩謂之凱以強教之也以棘為凱風之侯則
母氏劬勞甚矣老子曰師之所處棘荊生焉以荊棘惡木
有兵刑之象皇覽曰孔子堂中不生荊棘及刺人草管子
五沃之地其棘其棠

爾雅翼

世傳棘能辟霜蓬能碎砂物理相感也有蓬生處則砂不
聚花果以棘圍之則茂

東坡紀事

棘與束皆有刺故棘文列刺束文複刺切韻云棘小束也
不生江南其刺曰棘鍼曰棘刺其實曰薪實曰焉胸曰刺

原爾雅云終牛棘注曰馬棘也刺簾而長

草木畧

爾雅曰終牛棘註即馬棘也其刺簾而長疏終一名牛棘
棘之針刺粗長者因名牛棘馬棘也

椿樗

椿有二種葉初生而紅多芒者不可食色白者香美可茹材
堪為棟古詩草有靈木有椿

九江府志

圖經曰椿木樗木舊並不載所出州土今南北皆有之二
木形幹大抵相類但椿木實而葉香可斂樗木疎而氣臭
膳夫亦能然去其氣北人呼樗為山椿江東人呼為鬼目

棄脫處有痕如樗蒲子又如眼目故得此名其木最為無
用莊子所謂吾有大木人謂之樗其本擁腫不中繩墨小
枝曲拳不中規矩立於途匠者不顧是也並採無時爾雅
云樗山樗郭璞注云樗以樗色小白生山中因名亦類漆
也俗語云樗樗樗漆相似如一詩唐風云山有樗陸機疏
云山樗與由樗無異葉似差狹耳吳人以其葉為茗許慎
以樗讀為糗今人言樗失其聲耳然則樗類之別種也

衍義曰椿木葉椿樗皆具但一種有花結子一種無花不
實世以無花不實木身大其餘端直者為椿：用木葉其
有花而美木身小幹多迂矮者為樗：用根葉莢故曰未

見椿上有莢者未樗木上又有又有樗雞故知古人命名
日不言椿雞而言樗雞者以顯有雞者為樗無雞者為椿
其義甚明用椿木葉樗木根葉莢者且依此推窮

格物論椿枝葉與樗相似然樗木疎而氣臭椿木實而葉
香無花不結子身大而幹端直 詩李大全

樗宋志引詩云採荼新樗注樗惡木也可以為薪

吳化府志

樗爾雅樗生樗北人謂之山椿木疎而氣臭莊子所謂擁

腫曲拳不中繩墨規矩是也椿與樗相似木實而葉香

魏

椿有香椿嫩葉可食 建昌府志

樗以椿北人呼為山椿江東人呼為虎目葉脫處有痕如樗

蒲子又如眼目故有其名其材易大而不中器用又有一
種山樗極似此詩唐風所謂山有樗是也故爾雅云樗山
樗注謂樗似樗色小白生山中亦類漆俗樗樗漆相似
如一樗即椿也 草木畧

椿樹高踈聳而枝葉踈與樗不異葉香者椿臭者樗也 江
府志

爾雅曰樗山樗註樗似樗色小白生山中因名云亦類漆
樹踈舍人曰樗名山樗俗語曰樗樗漆相似如一詩唐
風云山有樗陸機疏云山樗與下田樗畧無異葉似差狹
耳吳人以其葉為茗方俗無名此為樗者是誤也今所云

為栲^{音考}葉如櫟木皮厚數寸可為車輻或謂之栲櫟許慎正以栲讀為櫟今人言栲失其聲矣

杞

詩小雅南山有杞草木疏云其樹如櫟一名狗骨詩經註疏杞見武義縣志狗骨見瓊州府志殆一物也九卷